



საქართველოს სასჯელაღსრულებისა  
და პრობაციის სამინისტრო  
MINISTRY OF CORRECTIONS OF GEORGIA



MCLA 5 14 00312333

04/07/2014

↓ ა(ა)იპ „ინფორმაციის თავისუფლების განვითარების ინსტიტუტის“  
გამგეობის თავმჯდომარეს,  
ბატონ ლევან ავალიშვილს

მისამართი: ა. გრიბოედოვის ქუჩა №3

ასლი: საქართველოს სასჯელაღსრულებისა და პრობაციის  
სამინისტროს სასჯელაღსრულების დეპარტამენტს

ბატონო ლევან,

საქართველოს სასჯელაღსრულებისა და პრობაციის სამინისტრომ განიხილა თქვენი 2014 წლის 4 ივნისის №OPD/CPT14-055 ადმინისტრაციული საჩივარი, რომლითაც ითხოვდით სასჯელაღსრულების დეპარტამენტში საჯარო ინფორმაციის სახით დაცული მონაცემების გაცემას.

საქართველოს ზოგადი ადმინისტრაციული კოდექსის 201-ე მუხლის პირველი ნაწილის „გ“ ქვეპუნქტის შესაბამისად, წარმოდგენილი ადმინისტრაციული საჩივარი უნდა დაკმაყოფილდეს ნაწილობრივ, კერძოდ:

საქართველოს სასჯელაღსრულებისა და პრობაციის სამინისტრომ წარმოდგენილი საჩივრისა და შესაბამისი მასალების შესწავლის შედეგად დაადგინა, რომ ადმინისტრაციული საჩივრით მოთხოვნილი ინფორმაციის მე-10 და მე-11 პუნქტებით გათვალისწინებული მონაცემებიდან უნდა გაიცეს მხოლოდ ის ინფორმაცია, რომელიც არ წარმოადგენს სახელმწიფო საიდუმლოებას და ამასთან, არ შეიცავს სხვის პერსონალურ მონაცემებს (გარდა თანამდებობის პირებისა).

რაც შეეხება შესყიდვებთან დაკავშირებულ მე-8, მე-9 პუნქტებით მოთხოვნილ მონაცემებს, აღნიშნული უნდა გაიცეს თუ იგი არ არის სახელმწიფო საიდუმლოების შემცველი ინფორმაცია. ხოლო, საჩივრით მოთხოვნილი სხვა ინფორმაცია უნდა გაიცეს კანონმდებლობით დადგენილი წესით.

დაევალოს საქართველოს სასჯელაღსრულებისა და პრობაციის სამინისტროს სახელმწიფო საქვეუწყებო დაწესებულება – სასჯელაღსრულების დეპარტამენტს კანონმდებლობით დადგენილი წესით გასცეს საჯარო ინფორმაცია წარმოდგენილ ადმინისტრაციულ საჩივარზე მიღებული გადაწყვეტილების ფარგლებში.

გაცნობებთ, რომ აღნიშნული გადაწყვეტილება შეგიძლიათ გაასაჩივროთ გაცნობიდან 1 თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (მის: დ. აღმაშენებლის ხეივანი მე-12 კმ. №6).

პატივისცემით,

გრიგოლ გიორგაძე  
მინისტრის პირველი მოადგილე

